

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKO VIJEĆE TEŠANJ  
Komisija za izbor i imenovanje Općinskog vijeća Tešanj**

Broj: 01-49-2-73-6/21

Datum: 16.02.2021. godine

Na osnovu Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj i Odluke o izmjeni i dopuni Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj ("Službeni glasnik Općine Tešanj" broj 4/18 i 2/20) Komisija za izbor i imenovanje Općinskog vijeća Tešanj objavljuje

**Javni poziv  
za dostavljanje prijava za izbor i imenovanje članova  
radnih tijela Općinskog vijeća Tešanj**

**I**

Objavljuje se Javni poziv za dostavljanje prijava za izbor i imenovanje članova radnih tijela Općinskog vijeća Tešanj, kako slijedi:

1. Statutarno – pravnu komisiju;
2. Komisiju za praćenje primjene kodeksa ponašanja vijećnika i javnosti rada Vijeća;
3. Komisiju za pitanja mladih i ravnopravnost polova;
4. Komisiju za zaštitu čovjekove okoline;
5. Komisiju za monitoring nad realizacijom Strategije razvoja Općine Tešanj i
6. Komisiju za budžet

**Opći uslovi**

**II**

Kandidat treba da ispunjava sljedeće opće uslove:

1. Da je državljanin Bosne i Hercegovine.
2. Da ima prebivalište na području općine Tešanj.
3. Da mu radni odnos na bilo kojoj razini vlasti u BiH nije prestao po osnovu disciplinske mjere, u period od dvije godine prije objavljivanja javnog poziva.
4. Da nije pod optužnicom Međunarodnog suda za bivšu Jugoslaviju (član IX stav 1. Ustava BiH).
5. Da nije osuđivan za krivična djela ili prekršaj koji ga čini nepodobnim za obavljanje dužnosti za koju se kandidira.
6. Da ima najmanje 3 (tri) godine iskustva.
7. Da ispunjava uslove u pogledu stručne spreme, kako slijedi:
  - a) Statutarno – pravna komisija - svi članovi treba da imaju visoku stručnu spremu VII stepen, pravni smjer.
  - b) Komisija za monitoring nad realizacijom Strategije razvoja Općine Tešanj - svi članovi treba da imaju visoku stručnu spremu VII stepen, smjer ekonomija, privreda ili tehnički smjer.
  - c) Komisija za budžet - svi članovi treba da imaju visoku stručnu spremu VII stepen, ekonomski smjer.
  - d) Komisija za praćenje primjene kodeksa ponašanja vijećnika i javnosti rada Vijeća – članovi sa minimalno IV stepen školske spreme, sa obavezom da jedan član komisije ima visoku stručnu spremu VII stepen, pravni smjer.

- e) Komisija za pitanja mladih i ravnopravnost polova - članovi sa minimalno IV stepen školske spreme tehničkog ili prirodnog smjera, sa obavezom da jedan član komisije ima visoku stručnu spremu VII stepen društvenog ili tehničkog smjera.
- f) Komisija za zaštitu čovjekove okoline - članovi sa minimalno IV stepen školske spreme tehničkog ili prirodnog smjera, sa obavezom da jedan kandidat bude visoka stručna sprema VII stepen, smjer zaštite okoliša, ekologije ili dugi tehnički smjer“

#### **Posebni uslovi**

Za donošenje konačne rang liste kandidata na osnovu koje će se vršiti predlaganje odluke o izboru članova radnih tijela, pored općih uslova, uzet će se u obzir i posebni uslovi koje budu ispunjavali kandidati, i to:

1. Da imaju rezultate i iskustvo u radu iz oblasti koja je u vezi sa nadležnosti jednog od radnih tijela.
2. Da poznaju Statut i Poslovnik o radu Općinskog vijeća.

#### **Prijave kandidata**

### **III**

Kandidati su dužni dostaviti prijavu na propisanom obrascu koji se nalazi u prilogu ovog Javnog poziva.

Kod kandidata koji bude ispunjavao Opće uslove uzet će se u obzir i Posebni uslovi iz ovog Javnog poziva, od čega će zavisiti i konačno rangiranje na listi uspješnih kandidata.

**Na javni poziv kandidati su dužni priložiti (original ili ovjerenu kopiju):**

1. obrazac prijave.
2. Dokaz o stručnoj spremi.
3. Dokaz o iskustvu (uvjerenje ili potvrda poslodavca, drugi dokaz kojim se dokazuje iskustvo u radu radnih tijela, udruženja građana, komisija i slično).

**Napomena:** dokaz iz člana II stav (1) tačka 1. i 2. Komisija za izbor i imenovanje će provjeriti po službenoj dužnosti, a dokaze iz člana II stav (1) tačka 3., 4. i 5. kandidati će dati u formi izjave koja se nalazi na obrascu koji se nalazi u prilogu ovog Javnog poziva.

#### **Izborni postupak i imenovanje**

### **IV**

Proceduru za izbor članova radnih tijela provodi Komisija za izbor i imenovanje Općinskog vijeća Tešanj (u daljem tekstu Komisija).

U slučaju da se na javni poziv prijave kandidati sa sličnim ili istim kvalifikacijama, Komisija će organizovati intervju s tim da prednost imaju pripadnici manje zastupljenog pola, pripadnici nevladinog sektora i marginaliziranih grupa (nacionalne manjine, lica sa invaliditetom, povratnici), a kako bi se donijela što kvalitetnija odluka.

Komisija o provedenoj proceduri podnosi izvještaj Općinskom vijeću Tešanj sa prijedlogom članova za imenovanje sa utvrđene rang liste uspješnih kandidata, vodeći računa o ravnomijernoj zastupljenosti oba pola, pripadnika nevladinog sektora i marginaliziranih grupa.

### **V**


Javni poziv za dostavljanje prijave objavljuje se na zvaničnoj internet stranici Općine Tešanj, lokalnim medijima sa kojima Općina Tešanj ima potpisan ugovor i oglasnoj ploči.

Prijave sa potrebnim dokumentima slati preporučeno na adresu Općina Tešanj, Trg Alije Izetbegovića 1 sa naznakom za „Javni poziv broj: 01-49-2-73-6/21“ ili predati na šalterima Općine Tešanj.

**Napomena:** Nepotpune, neuredne i neblagovremene prijave neće se uzimati u razmatranje.

Zadnji dan za dostavu prijava je 12.03.2021. godine.

**Komisija za izbor i imenovanja**



*Amir Jarić*